



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Manuale Sodalitatis B. Mariae Virginis. siue Exercitium Spirituale Christianae Pietatis**

**Véron, François**

**Coloniae Agrippinae, 1505 [i. e. 1605]**

Orationes pro defunctis Sodalibus.

[urn:nbn:de:hbz:466:1-46577](https://nbn-resolving.org/urn:nbn:de:hbz:466:1-46577)

SODALITATIS. 39

*Vers.* Ora pro nobis sancta Dei genitrix.

*Resp.* Ut digni efficiamur promissionibus Christi.

ORATIO.

**D**efende quæsumus Domine, B. Maria semper virgine intercedente, istam ab omni aduersitate familiam, & toto corde tibi prostratam, ab hostium propitius tuere clemēter insidijs. Per Christum Dominum nostrum. Amen.

ORATIONES PRO DEFUNCTIS SODALIBVS.

PSALM. 50.

**M**iserere mei Deus: secundum magnam misericordiam tuam.

Et secundum multitudinem miserationum tuarum: dele iniquitatem meam.

Amplius laua me ab iniquitate mea: & à peccato meo munda me.

Quoniam iniquitatem meam ego cognosco: & peccatum meum contra me est semper.

Tibi soli peccaui, & malum coram te feci: vt iustificeris in sermonibus tuis, & vincas cum iudicaris.

Ecce enim in iniquitatibus conceptus sum: & in peccatis cōcepit me mater mea.

Ecce



Ecce enim veritatem dilexisti: incerta, & occulta sapientiæ tuæ manifestasti mihi.

Asperges me Domine hyssopo, & mundabor: lauabis me, & super niuem dealabor.

Auditui meo dabis gaudium, & lætitiā: & exultabunt ossa humiliata.

Auerte faciem tuam à peccatis meis: & omnes iniquitates meas dele.

Cor mundum crea in me Deus: & spiritum rectum innoua in visceribus meis.

Ne proicias me a facie tua: & spiritum sanctum tuum ne auferas à me.

Redde mihi lætitiā salutaris tui: & spiritu principali confirma me.

Docebo iniquos vias tuas: & impij ad te conuertentur.

Libera me de sanguinibus Deus, Deus salutis meæ: & exultabit lingua mea iustitiā tuam.

Domine labia mea aperies: & os meū annuntiabit laudem tuam.

Quoniam si voluisses, sacrificium dedissem: utiq; holocaustis non delectaberis.

Sacrificium Deo spiritus contribulatus: cor contritum, & humiliatū Deus non despicias.

Benignè fac Domine in bona voluntate tua Sion: vt ædificentur muri Hierusalē.

¶ Tunc



Tunc acceptabis sacrificium iustitiæ,  
oblatores, & holocausta: tunc imponent  
super altare tuum vitulos.

Requiem æternam dona eis Domine: &  
lux perpetua luceat eis.

*Psalmus 129.*

**D**E profundis clamaui ad te Domine:  
Domine exaudi vocem meam.

Fiant aures tuæ intendentes: in vocem  
deprecationis meæ.

Si iniquitates obseruaueris Domine:  
Domine quis sustinebit?

Quia apud te propitiatio est: & propter  
legem sustinui te Domine.

Sustinuit anima mea in verbo eius:  
sperauit anima mea in Domino.

A custodia matutina usque ad noctem:  
speret Israel in Domino.

Quia apud Dominum misericordia:  
& copiosa apud eum redemptio.

Et ipse redimet Israel: ex omnibus ini-  
quitatibus eius.

Requiem æternam dona eis Domine:  
& lux perpetua luceat eis. Amen.

Pater noster. Ave Maria.

ORATIO.

**A**bsolue, quæsumus Domine, ani-  
mam famulij tui N. vt defunctus sæ-  
culo,

C

culo,



culo, tibi viuat, & quæ per fragilitatem carnis, humana conuersatione commisit, tu venia misericordissimæ pietatis absterge.

**D**Eus veniæ largitor, & humanæ salutis amator, quæsumus clementiam tuam, vt nostræ congregationis fratres, propinquos, & benefactores, qui ex hoc sæculo transierunt, Beata Maria semper virgine intercedente, cum omnibus sanctis tuis, ad perpetuæ beatitudinis consortium peruenire concedas.

**F**idelium Deus omnium conditor, & redemptor, animabus famulorum, famularumque tuarum remissionem cunctorum tribue peccatorum, vt indulgentiam, quam semper optauerunt, piis supplicationibus consequantur. Per Dominum nostrum **I E S V M** Christum filium tuum, qui tecum viuit, & regnat in vnitate Spiritus sancti Deus, Per omnia, &c.

LIT A.